



Im Juli 2009

ASF Ditzenbacherstr. 26, 73342 Auendorf

# Ladbrieaf

## Zwoierloi Leit-

a Gspräch von zwoi Auadorfer A'fang Juli

„Ach, Nochber, endlich isch Sommer, ond a bissle warm,  
endlich brauch'sch da Kachelofe nemme schüra,  
kasch, wenn da fertich bisch em Obed,  
uff dr Gass oder hentram Haus hocka,  
a bissle mit de Füëß schlenkera, ond de Grilla zua horcha.“

„Jo, Schorsch, endlich isch Sommer, ond no kosch ao studiera,  
dass zwoierloi Leit gibt!“

„Was schwätsch denn heit drher?“

I kenn ao em Wenter Menner ond Fraua ausanander.“

„A wa, i moin doch dia Urlauber.“

Brausch bloß amol gucka, om de rom.

Do gibt's zwoierloi Sorta Leit. Pass auf: Dia oine, dia send Nomade.

Dia nemmet a Zelt ond's Ällernötigste, ond genießet's,

wenn se ihr ganz Glomp mitsamt de Sorga drhoim lasse könnet:

de scheene Kloider, da Haushalt, ond ihr Firma.

Ond dia andere, des send die Sesshafte.

Dia möchtet ao em Urlaub a gscheits Bett ond a Essa,

wo scho kocht isch, ond a Dusche für sich alloi.

Was wär'sch eigentlich du für oiner?“

„ I han's mit am Zelta, Fritz, bloß anders. Pass uff, wia:

Em Garta hao-ne a Indianerzelt aufgestellt, für'd Kender,

ond selber guck-e saumäßig gern nuff ans Hemmelszelt.

Ond überhaupt stella mr demnäscht wieder's Zelt auf

für's Auadorfer Sommerfescht, - dass da mr fei ao kommsch

ond mithilfsch ond koine Ausreda fendesch!“

„Also, Schorsch, dui Kurv hosch amol wieder elegant kriagt!

Noi, des Sommerfescht vergess i et, do „zelta“ mir alle mitanander

a paar Tag lang - Zelt aufbaua, Zelt eirichta, ond no Feira em Zelt.

Mit en Haufa Gäscht aus Geppenga ond aus em Täle ond woiß wo her.

Des isch eiwandfrei, dass do ganz egal isch,

ob mr zu de Nomada oder zu de Sesshafte g'hert -

bei dera Zeltereie könnet alle mitdoal!“

Ihre  
Schützengesellschaft

Ralf Doll

Ihre  
Ev. Kirchengemeinde

Johanna Raumer, Pfarrerin

Ihr  
gemischter Chor

Karl Straub